

www.BibleForChildren.org

cēnisis 3




ēkosi ātam, ip ki isiyihkātēw wiwa,
cikēmā ēwako okāwiwāwa
kahkiyaw kā pimātisit.



kinēpik māka ayiwāk ki kakayēyisiw
ispic awiya pisiskiwa kā ki osihāt kā
tipēyihcikēt kisēmanito. ēkosi ēwako
ki itēw iskwēwa, tāpwē ci kisēmanito
ki itwēw, namawiya ki ka micināwāw
ē minisiwit kā itahtwāskosit mistik
nihtāwikicikānihk kā ayāt?



omisi māka iskwēw,
ki itēw kinēpikwa,
ni ka ki micinān ē isi
minisiwicik aniki
mistikwak nihtāwikicikanihk kā ayācik;
māka ē isi minisiwit mistik tāwayihk
nihtāwikicikānihk kā ayāt, kisēmanito ki
itwēw, namawiya ki ka
micināwāw, mina
namawiya ki ka
sāmināwiw, kita ēkā nipiyēk.



mina kinēpik ki itēw
iskwēwa, namawiya
tāpwē ki ka nipināwāw:
cikēmā kisēmanito
kiskēyitam anima ē kisikāk kē miciwēkwē,
ēkospi kiskisikowāwa kē yotēnikātēki;
ēkosi manitohk kita isi ayāyēk, ē
kiskēyitamēk kā miwāsik
mina kā māyātahk.



ispi māka iskwēw wiyāpamāt anihi
mistikwa ē miyo miciniwiyit, mina ē
miyonākosiyit, mina mistik kē
natawēyimiht kita ohci awiya iyinisit, ki
otinam ēsi minisiwiyit, ē ki micit māka;
ēkosi mina ki ati miyēw
onāpēma asici;
wista ki miciw.



ēkosi oskisikowāwa ki yotēnikātēyiwa,
ē ki kiskēyitahkik ē mosēskatēcik;
ēkosi ki mawasakokwātamwak
nipiyā, ē ki osihtwāsocik
ākohosowina.





ēkosi kā tipēyihcikēt kisēmanito
ki natomēw ātama, omisi ē ki itāt, tānitē ēyāyan? ēkosi
omisi ki itwēw, ki ki pēhtātin nihtāwikicikānihk, ni ki
kostācin māka, cikēmā ē mosēskatēyān;
ēkosi ni ki kāson.





omisi māka ki itēw, awēna kā wihtamāsk ē
mosēskatēyan? ki ki mominātāw ci mistik kā ki
wihtamātān ēkā kita mominātat?



ēkosi nāpēw ki itwēw, iskwēw kā ki miyian kita wicēwit
ni ki miyik mistikohk ohci ēkosi ni ki micin. kā
tipēyihcikēt kisēmanito māka ki itēw
iskwēwa, kēkway oma kā ki itotaman?
ēkosi iskwēw ki itwēw, kinēpik ni ki
kakayēsimek ēkosi ni ki micin.



ēwako ohci māka kā tipēyihcikēt
kisēmanito kā wayawitisawāt itin
nihtāwikicikanihk ohci kita atoskātahk
asiski ita kā ki ohci otiniht.





ēkosi ki
wayawitisawēw nāpēwa; ē ki pakitināt
māka cērapim wāpanotāhk itēhkē itin
nihtāwikicikanihk, mina kwākotēwi
isawēsk misiwē kā āisi
kwēskwēskipayik, kita
mitākwētisahowēk
pimātisiwini
mistikohk ohci.

ātam māka ki kiskēyimēw wiwa ip; ki ayāwēw māka,
mina ki nihtāwikipihēw kēna, omisi māka ki itwēw, ni ki
ayāwāw nāpēw kā tipēyihcikēt ohci. mina ki ati
nihtāwikipihēw ociwāmiyiwa ēpila. ēpil māka ki
kanawimāyatikwēw, māka wiya kēn
ki atoskātam asiski.




ēkosi ki ispayiw, kēn ki pētāw ē isi nihtāwikicikēt ē
pakitinamawāt kā tipēyihcikēt. mina ēpil, wista ki
pēsiwēw ē nistamosēyit okanawēyimakana
asici ē wiyinowiyit.



kā tipēyihcikēt māka ki kihcēyimēw ēpila, asici o
pakitinasowin; kēn māka, mina o pakitinasowin
nama ki kihcēyitamawēw. ēkosi kēn ki
misi kisiwāsiw, ē ki pakicikwēpayit.



ēkosi kēn ki wihtamawēw ēpila ociwāma; ēkosi ki
ispayiw, ispi kistikānihk ē ayācik, kēn ki pasikōstawēw
ēpila ociwāma, ē ki nipahāt.



kā tipēyihcikēt māka ki itēw kēn, tāniwa kiciwām ēpil?
omisi māka ki itēw, namawiya ni kiskēyitēn; niya ci ni
kanawēyimāw niciwām? ēkosi kēn ki nakatam ita ē
ayāyit kā tipēyihcikēt, ki wikiw anita
nāt, wāpahnotāhk itēhkē itin.



ātam mina ki kiskēyimēw wiwa; ēkosi ki nihtawikihēw
okosisa sēht māka ki isiyihkātēw: cikēmā ki itwēw,
kisēmanito kotaka ni ki oyakitamāk ēpila kē
tapiskamawāt kēn kā ki nipahāt.



ātam ki pimātisiw pēyakwāw mitāhtomitanaw mina
nistomitanaw tahto piponwa, ēkosi ki nihtāwikipihēw
okosisa otisinākosiwinihk, ē ki naspitākot;
ēkosi sēht ki isi wihyēw: . . .



. . . anihi māka o kisikāma ātam kā ki nihtāwīkihāt sēht,
ayinānēw tahto mitāhtomitanaw piponwa, ē ki
nihtāwīkihāt okosisa mina otānisa: . . .



. . . kahkiyaw māka kisikāwa iyikohk kā ki pimātisit ātam,
kēkāt kihci mitāhtomitanaw mina nistomitanaw
ayiwāk piponwa; ēkosi ki nipiw.



kisēmanito māka ki wāpahtam ē isi misāyik
ayisiyiniwa o macitotamowiniyiw askihk,
mina kahkiyaw ot itēyitamowiniyiw kā
isi māmitonēyitamiyit otēhiyihk
tahkinē piko ē macāyiwaniyik.



ēkosi kā tipēyihcikēt ki itwēw, ni ka
nisiwanācihāw ayisiyiniw kā ki osihak
waskitaskamik ohci; māmaw ayisiyiniw,
mina pisiskiw, mina ana kā
papāmitācimot, mina aniki piyēsisak
kā papāmiyācik;
cikēmā ni



mihciyawēyēyitamiikon
ē ki osihakik.



māka noa ki miyo kanawāpamik kā tipēyihcikēyit.
noa māka ki nihtāwikipihēw nisto okosisa,
sēm, hām, mina cēpit.



wiya kisēmanito ēspici sākihtāt aski,
ki mēkiw o pēyako kosisāna, piko
awiyak ē tāpwēyēyimāt ēkā kita
nisiwanātisit, māka kita ayāt
kākikē pimātisiwin.



romana 3:23 kahkiyaw māka awiyak ki wanitotam, mina
notēpayiw o kistēyitākosiwin kisēmanito;

romana 6:23 cikēmā ē isi kispinacikēmakahk maciitiwin
ēwako nipowin; māka o mohci mēkiwin kisēmanito ēwako
kākikē pimātisiwin Christ cisas kā tipēyimikoyahk ohci.

hiparowa 9:27 ēkosi cikēmā ē itakitamāht ayisiyiniw
pēyakwāw kita nipit ēkosi mwēstas iyikohk kita
ayāk oyasowēwin;

ipisiyana 2:8,9 cikēmā kisēwātisiwin kā ki ohci
pimāciikawiyēk tāpwēyēyitamowin ohci; ēwako māka
namawiya kiyawāw kēhciwāk ē ayāyēk: ēwako
o mēkiwin kisēmanito:

namawiya atoskēwina ohci, ēkā awiyak ayisiyiniw
kita kakicimot.



romana 10:9,10 cikēmā kispin ācimaci kitonihk cisas ē
tipēyihcikēt, mina tāpwētamani kitēhihk kisēmanitowa ē ki
waniskānikot nipowinihk ohci, ki ka pimācihon:

cikēmā otēhihk ayisiyiniw tāpwētam kwayaskitātisiwinihk
isi; mina otonihk ohci ācimo pimācihiwēwinihk isi.

sēnt cān 3:16,17 wiya kisēmanito ēspici sākihtāt aski, ki
mēkiw o pēyako kosisāna, piko awiyak ē tāpwēyēyimāt ēkā
kita nisiwanātisit, māka kita ayāt kākikē pimātisiwin.

wiya kisēmanito ki pē isitisawēw okosisa ota askihk
namawiya kita oyasowātamiyit; māka wiya kita ohci
pimātaniyik aski.



1 sēnt cān 5:11-13 ēwako māka oma ācimowin kisēmanito
ē ki miyikoyahk kākikē pimātisiwin, oma māka pimātisiwin
kikiskākoyiwa okosisa.

ana kā ayāwāt okosisimāwa ayāw pimātisiwin; ana ēkā kā
ayāwāyit kisēmanito okosisa namawiya ayāw pimātisiwin.

ēwakoni ohi ki ki masiniamātināwāw kita kiskēyitamēk ē
ayāyēk kākikē pimātisiwin, kiyawāw oti kā tāpwētamwāyēk
o wiyowin kisēmanito okosisa.



cēnisis 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

This Bible text is a transliteration of a corrected edition of the 1908 Western Cree Bible (crk); it is in the public domain.

<https://www.bible.com/bible/2084/GEN.1.KKMR>

©2026 Bible for Children, Inc.

www.M1914.org www.bibleforchildren.org

